



Abdulaziz b. Abdullah b. Baz

**OPASNOST
RAZGOLICAVANJA
I OTKRIVANJA**

**OPASNOST
RAZGOLICAVANJA
I OTKRIVANJA**

Autor:
Šejh Abdulaziz b. Abdullah b. Baz

Prijevod:
Harmin Suljić, prof.

Recenzent:
Ummu Abdullah

Lektura:
Ummu Muhammed

Štampa: Amos – graf, Sarajevo

Tiraž: 1000

Izdavač: Udruženje „PRAVI PUT MUSLIMANA“ BiH

Mob: 062/ 140-300 i 061/ 871- 000

Za izdavača: Rasim Bašić VAKUFСКА DONACIJA

CIP - Katalogizacija u publikaciji
Nacionalna i univerzitetska biblioteka
Bosne i Hercegovine, Sarajevo
28 - 443.5 - 055 . 2

ABDULAZIZ b. Abdullah b. Baz

Opasnost razgolićavanja i otkrivanja : štetne posljedice po
pojedina i društvo

/ Abdullah b. Baz ; (prijevod Harmin Suljić). -

Sarajevo : Udruženje Pravi put muslimana, 2008. - 32 str. ; 17 cm

Bibliografija uz tekst.

ISBN 978 - 9958 - 9064 - 0 - 4

COBISS . BH - ID 16439046

Tehnički urednik:
Nedžad Halilagić

Korektura:
Kanita Turković, prof.

DTP:
Teufik Mešić

Dizajn korica:
Rasim Bašić

Šejh Abdulaziz b. Abdullah b. Baz

OPASNOST RAZGOLIĆAVANJA I OTKRIVANJA

Štetne posljedice po pojedinca i društvo

SARAJEVO 2008

بِسْمِ اللَّهِ الرَّحْمَنِ الرَّحِيمِ

U ime Allaha, Milostivog, Svemilosnog!

Hvala Allahu Jedinome. Neka je salavat i selam na Vjerovjesnika, sallallahu 'alejhi ve selem, poslije kojeg drugog vjerovjesnika nema, na njegovu porodicu i ashabe.

Svakoj osobi koja je obdarena razumom jasan je problem javnih razgoličavanja i otkrivanja žena u mnogim državama. Veliki broj žena se ne sklanja i ne skriva svoje tijelo i lice od muškaraca, nego pokazuju svoje ukrase koje im je Allah, subhanehu ve te'ala, zabranio da otkrivaju u javnosti. Nema sumnje da je ovo veliko zlo i očiti grijeh. Upravo zato ovakvi grijesi bivaju uzrokom kazni i nedaća, a posebno kao posljedice otkrivanja i razgoličavanja te različitih oblika razvrata i zločina. Ovo su posljedice nepostojanja stida i velikog udjela u širenju nereda.

Muslimani, bojte se Allaha i spriječite vaše neuračunljive i spriječite vaše žene da čine ono što im je Allah zabranio! Naređujte im pokrivanje i nošenje hidžaba! Čuvajte se Allahove, subhanehu ve te'ala, srdžbe i teške kazne! Od Allahovog Poslanika, sallallahu 'alejhi ve sellem, prenosi se u



vjerodostojnom hadisu da je rekao: “*Ako ljudi vide grijeh pa ga ne spriječe, postoji bojazan da će ih Allah sve zajedno kazniti.*”

Allah, subhanehu ve te’ala, kaže:

لُعِنَ الَّذِينَ كَفَرُوا مِنْ بَنِي إِسْرَائِيلَ عَلَى لِسَانِ دَاوُدَ وَعِيسَى
ابْنِ مَرْيَمَ ذَلِكَ بِمَا عَصَوْا وَكَانُوا يَعْتَدُونَ * كَانُوا لَا يَتَنَاهَوْنَ
عَنْ مُنْكَرٍ فَعَلُوهُ لَبِئْسَ مَا كَانُوا يَفْعَلُونَ

“*Jezikom Davuda i Isaa, sina Merjemina, prokleti su oni od sinova Israilovih koji nisu vjerovali – zato što su neposlušni i uvijek granice zla prelazili: jedni druge nisu odvrćali od griješnih postupaka koje su radili. Ružno li je zaista to kako su postupali!*”¹

U Musnedu i drugim izvorima se bilježi predaja od Ibn-Mes’uda, radijijallahu ‘anhum, da je Allahov Poslanik, sallallahu ‘alejhi ve sellem, proučio ovaj ajet, a zatim rekao: “*Tako mi Onoga u čijoj je ruci moja duša, ili ćete naređivati dobro a sprečavati zlo te spriječiti neuračunljive i prisiliti ih silom na istinu, ili će Allah okrenuti vaša srca jedna protiv drugih. A onda će vas prokleti kao što je i njih prokleo.*”

1 El-Maide, 78 – 79.

Također u drugoj vjerodostojnoj predaji se bilježi da je Allahov Poslanik, sallallahu ‘alejhi ve sellem, rekao: “*Ako neko od vas vidi zlo neka ga spriječi rukom. Ako ne može onda riječju, a ako ni to ne može onda neka to osudi srcem. Ali to je najslabiji vid imana.*”

Allah, subhanehu ve te’ala, naredio je u Kur’anu da se žene pokrivaju i zastiru kao i to da borave u svojim kućama. S druge strane, upozorio je na opasnost razgoličavanja i otkrivanja žena, naređujući muškarcima da ih čuvaju i paze od nereda i štite od uzroka koji vode u smutnju.

Allah, subhanehu ve te’ala, kaže:

يَا نِسَاءَ النَّبِيِّ لَسْتُنَّ كَأَحَدٍ مِّنَ النِّسَاءِ إِنِ اتَّقَيْتُنَّ فَلَا تَحْضَعْنَ
بِالْقَوْلِ فَيَطْمَعَ الَّذِي فِي قَلْبِهِ مَرَضٌ وَقُلْنَ قَوْلًا مَّعْرُوفًا وَقَرْنَ
فِي بُيُوتِكُنَّ وَلَا تَبَرَّجْنَ تَبَرُّجَ الْجَاهِلِيَّةِ الْأُولَى وَأَقِمْنَ الصَّلَاةَ
وَاتِينَ الزَّكَاةَ وَأَطِعْنَ اللَّهَ وَرَسُولَهُ

“*O žene Vjerovjesnikove, vi niste kao druge žene! Ako se Allaha bojite, nemojte usiljeno govoriti, pa da tada žudi onaj u čijem je srcu bolest, i govorite riječi poštovanja vrijedne! U kućama svojim boravite i ljepotu svoju, kao u davno*

pagansko doba, ne pokazujte, i namaz obavljajte i zekat dajte, i pokoravajte se Allahu i Njegovom Poslaniku!²

Allah, subhanehu ve te'ala, ovim ajetom je zabranio ženama časnog Vjerovjesnika, sallallahu 'alejhi ve sellem, majkama pravovjernih, a one su najčestitije i najčistije žene, da svojim govorom privlače pažnju muškaraca time što će uljepšavati i umiljavati svoj govor. To im je zabranjeno da ne bi uljepšan govor bio povod ljudima bolesnog srca da pomisle na strast bluda i da ne bi razumjeli kako se i one slažu s njima u tome. Također, Uzvišeni Allah im je naredio obavezu boravka u kući, zabranjujući im da se razgolićavaju kao u davno pagansko doba.

Razgolićavanje u davno pagansko doba podrazumijeva pokazivanje ljepote i ukrasa kao što su: glava, lice, vrat, prsa, ruke, potkoljenice i tome slično što se smatra ukrasom kod žena. Pokazivanje tih ljepota vodi u nered i veliku smutnju podstičući srca muškaraca na poduhvate bluda. Ako je Allah upozorio majke pravovjernih na ove stvari, pored njihove ispravnosti, valjanosti i imana, onda su druge žene preče da budu upozorene od ovoga. Dakle, preče je da budu upozorene i spriječene od toga te da postoji

2 El-Ahzab, 32 – 33.

veći strah za njih od padanja u smutnju. Molim Allaha da zaštiti nas i sve muslimane od smutnji koje vode u zabludu! Ovaj propis je opće prirode i odnosi se na majke pravovjernih i na sve druge žene, što potvrđuju riječi Uzvišenog, upućene vjernicama:

وَأَقِمْنَ الصَّلَاةَ وَآتِينَ الزَّكَاةَ وَأَطِعْنَ اللَّهَ وَرَسُولَهُ

“...i namaz obavljajte i zekat dajte, i pokoravajte se Allahu i Njegovom Poslaniku!”³

Allah, subhanehu ve te'ala, kaže:

وَإِذَا سَأَلْتُمُوهُنَّ مَتَاعًا فَاسْأَلُوهُنَّ مِنْ وَرَاءِ حِجَابٍ ذَلِكُمْ أَطْهَرُ لِقُلُوبِكُمْ وَقُلُوبِهِنَّ

“A ako od njih nešto tražite, tražite to od njih iza zastora. To je čistije i za vaša i za njihova srca.”⁴

Ovaj časni ajet je jasan i očit dokaz o obavezi hidžaba i zastiranja žena od muškaraca. Allah, subhanehu ve te'ala, ovim ajetom je pojasnio da je hidžab stvar koja nudi čistoću i čednost za srca

3 El-Ahzab, 33.

4 El-Ahzab, 53.

muškaraca i žena, kao i to da ih udaljava od razvrata i njegovih uzroka. Zatim je Allah, subhanehu ve te'ala, ukazao kako su razotkrivanje i razgoličavanje nečisti, dok hidžab predstavlja čistoću i spas.

Zato, skupino muslimana, odgajajte se na moralu od Allaha! Izvršavajte ono što je Allah naredio! Naređujte svojim ženama hidžab jer je on uzrok čistoće i metod spasa!

Allah, subhanehu ve te'ala, kaže:

يَا أَيُّهَا النَّبِيُّ قُلْ لَأَزُوجِكُمْ وَبَنَاتِكُمْ وَنِسَاءَ الْمُؤْمِنِينَ يُدْنِينَ
عَلَيْهِنَّ مِنْ جَلَابِيبِهِنَّ ذَلِكَ أَذْنَى أَنْ يُعْرَفْنَ فَلَا يُؤْذَيْنَ وَكَانَ
اللَّهُ غَفُورًا رَحِيمًا

*“O Vjerovjesniče, reci ženama svojim, i kćerima svojim, i ženama vjernika neka spuste haljine svoje niza se. Tako će se najlakše prepoznati pa neće uznemiravane biti. A Allah prašta i Samilostan je.”*⁵

Džilbabi ili džalabije su odjeća koju žene oblače od glave preko cijelog tijela, oblačeći ga preko obične odjeće koju nosi na sebi kako bi pokrila cijelo svoje tijelo i njime se zaklonila.

Allah, subhanehu ve te'ala, naredio je svim ženama vjernika da spuste svoje džilbabe preko svojih ukrasa, tj. preko kose, lica i svega onoga što se smatra ukrasom kod žene. Na taj način bi postale prepoznatljive radi čednosti i ne bi bile uzrok smutnje za druge u njihovoj blizini, tako da neće biti ni napastovane.

Alija b. Ebu-Talha i Ibn-Abbas, radijallahu ‘anhum, kažu: *“Allah je naredio ženama vjernika da kada izlaze iz kuće radi potrebe da pokriju svoja lica od dijela iznad glave džilbabima sa pravom da ostave otvor za jedno oko.”*

Muhammed b. Sirin, rahimehullah, kaže: *“Upitao sam Ubejdu es- Selmanija o riječima Uzvišenog: ‘...neka spuste haljine svoje niza se.’ On pokri svoje lice i glavu a ostavi otvora za lijevo oko.”* Zatim je Allah, subhanehu ve te'ala, obavijestio ljude kako je on Milostiv i prašta za ono što je prethodilo u zanemarivanju ovih propisa prije zabrane i upozorenja na njega.

Allah, subhanehu ve te'ala, kaže:

وَالْقَوَاعِدُ مِنَ النِّسَاءِ اللَّاتِي لَا يَرْجُونَ نِكَاحًا فَلَيْسَ عَلَيْهِنَّ
جُنَاحٌ أَنْ يَضَعْنَ مِيَابِهِنَّ غَيْرَ مُتَّبِعَاتٍ بِرِئْتِهِنَّ وَأَنْ يَسْتَغْفِنَ
خَيْرٌ لهنَّ وَاللَّهُ سَمِيعٌ عَلِيمٌ

*“A starim ženama koje ne žude više za udajom nije grijeh da odlože ogrtače svoje, ali ne pokazujući ona mjesta na kojima se ukrasi nose; a bolje im je da budu krijevne. Allah sve čuje i sve zna.”*⁶⁶

Allah, subhanehu ve te'ala, obavještava da stare žene ili usjedjelice koje se više ne nadaju braku, nemaju grijeha da odlože svoje džilbabe sa lica i ruku ali pod uslovom da ne razotkrivaju svoje ukrase. Ona koja bi odlaganjem ogrtača razotkrila svoje ukrase nema pravo da razotkrije lice i šake i druge dijelove tijela koji predstavljaju ukrase. Griješna je ako razotkriva ukrase makar bila stara, jer svaki vid privlačnosti ima oko koje će ga pogledati. Razotkrivanje žena makar one bile i stare vodi muškarce u smutnju. Pa šta onda reći za lijepu djevojku ako se razotkrije!? Nema sumnje da je njen grijeh veći, a kazna ogrovnija zbog toga što je njena smutnja veća.

Također, Allah, subhanehu ve te'ala, u pogledu starice postavio je uslov da se radi o ženi koja se ne nada braku. To je, Allah najbolje zna, zato što je nada u brak podstiče da se uljepšava i razotkriva svoje ukrase. Zbog toga joj je zabranjeno da odlaže svoj ogrtač, otkrivajući svoje ljepote kako bi prvenstveno ona bila zaštićena od smutnje ali i svi drugi.

Zatim je Allah, subhanehu ve te'ala, završio ajet podsticanjem usjedjelica na čednost, pa je rekao da im je bolje da se ne razotkrivaju, tako da se na taj način pokazalo kako je odijevanje hidžaba i pokrivanje odjećom vrijedno makar se radilo o starim ženama, te da im je to bolje nego da odlažu svoje ogrtače. To znači da je pokrivanje hidžabom i potraga za čednošću i izbjegavanje pokazivanja ukrasa bolje za mlade djevojke i preče, jer će ih to udaljiti od same smutnje.

Allah, subhanehu ve te'ala, kaže:

قُلْ لِلْمُؤْمِنِينَ يَغُضُّوا مِنْ أَبْصَارِهِمْ وَيَحْفَظُوا فُرُوجَهُمْ ذَلِكَ
 أَزْكَىٰ لَهُمْ إِنَّ اللَّهَ خَبِيرٌ بِمَا يَصْنَعُونَ وَقُلْ لِلْمُؤْمِنَاتِ يَغْضُضْنَ
 مِنْ أَبْصَارِهِنَّ وَيَحْفَظْنَ فُرُوجَهُنَّ وَلَا يُبْدِينَ زِينَتَهُنَّ إِلَّا
 مَا ظَهَرَ مِنْهَا وَلْيَضْرِبْنَ بِخُمُرِهِنَّ عَلَىٰ جُيُوبِهِنَّ وَلَا يُبْدِينَ
 زِينَتَهُنَّ إِلَّا لِبُعُولَتِهِنَّ أَوْ آبَائِهِنَّ أَوْ أَبْنَائِهِنَّ أَوْ
 أَبْنَاءَ بُعُولَتِهِنَّ أَوْ إِخْوَانِهِنَّ أَوْ بَنِي إِخْوَانِهِنَّ أَوْ
 نِسَائِهِنَّ أَوْ مَا مَلَكَتْ أَيْمَانُهُنَّ أَوِ التَّابِعِينَ غَيْرِ أُولِي الْإِرْبَةِ
 مِنَ الرِّجَالِ أَوْ الْطِفْلِ الَّذِينَ لَمْ يَظْهَرُوا عَلَىٰ عَوْرَاتِ النِّسَاءِ
 وَلَا يَضْرِبْنَ بِأَرْجُلِهِنَّ لِيُعْلَمَ مَا يُخْفِينَ مِنْ زِينَتِهِنَّ وَتُوبُوا إِلَىٰ
 اللَّهِ جَمِيعًا أَيُّهَا الْمُؤْمِنُونَ لَعَلَّكُمْ تُفْلِحُونَ

*“Reci vjernicima neka obore poglede svoje i neka čuvaju stidna mjesta svoja; to im je čednije, jer Allah, uistinu, zna ono što oni rade. A reci vjernicama neka obore poglede svoje i neka čuvaju stidna mjesta svoja; i neka ne pokazuju ukrase svoje osim onoga što je ionako spoljašnje, i neka vela svoja spuste na grudi svoje; neka ukrase svoje ne pokazuju drugima, to mogu samo muževima svojim, ili očevima svojim, ili očevima muževa svojih, ili sinovima svojim, ili sinovima muževa svojih, ili braći svojoj, ili sinovima braće svoje, ili sinovima sestara svojih, ili prijateljicama svojim, ili robinjama svojim, ili muškarcima kojima nisu potrebne žene, ili djeci koja još ne znaju koja su stidna mjesta žena; i neka ne udaraju nogama svojim da bi se čuo zveket nakita njihova koji pokrivaju. I svi se Allahu pokajte, o vjernici, da biste postigli ono što želite.”*⁷

Allah, subhanehu ve te’ala, u ova dva časna ajeta naredio je vjernicima i vjernicama da obaraju poglede i da čuvaju svoje polne organe. Sve ovo je naređeno zbog opasnosti i štetnosti razvrata bluda i štetnih posljedica ovog grijeha po muslimane. Zatim, davanje slobode pogledu je jedan od uzroka

obolijevanja srca i padanja u razvrat, dok je obaranje pogleda lijek i spas od toga. Allah, subhanehu ve te’ala, zbog toga je rekao:

قُلْ لِلْمُؤْمِنِينَ يَغُضُّوا مِنْ أَبْصَارِهِمْ وَيَحْفَظُوا فُرُوجَهُمْ ذَلِكَ
أَزْكَى لَهُمْ إِنَّ اللَّهَ خَبِيرٌ بِمَا يَصْنَعُونَ

*“Reci vjernicima neka obore poglede svoje i neka čuvaju stidna mjesta svoja; to im je čednije, jer Allah, uistinu, zna ono što oni rade.”*⁸

Obaranje pogleda i čuvanje polnog organa su postupci koji su čistiji za vjernike na ovom i onom svijetu, dok su davanje slobode pogledu i polnom organu najveći uzroci propasti i kazne na ovom i onom svijetu.

Molimo Allaha da nas zaštiti od ovoga!

Allah, subhanehu ve te'ala, nas obavještava da On dobro zna šta ljudi rade kao i to da se od Njega ne može ništa sakriti. Time se vjernik upozorava da ne čini ono što je Allah zabranio, kao i to da ne okreće glavu onome što mu je Allah naredio. Allah ga time podsjeća kako ga On vidi i zna za sva njegova dobra i druga djela. Allah, subhanehu ve te'ala, kaže:

يَعْلَمُ خَائِنَةَ الْأَعْيُنِ وَمَا تُخْفِي الصُّدُورُ

*“On zna poglede koji kriomice u ono što je zabranjeno gledaju, a i ono što grudi kriju.”*⁹

Također Allah, subhanehu ve te'ala, u drugom ajetu kaže:

وَمَا تَكُونُ فِي شَأْنٍ وَمَا تَتْلُو مِنْهُ مِنْ قُرْآنٍ وَلَا تَعْمَلُونَ مِنْ
عَمَلٍ إِلَّا كُنَّا عَلَيْكُمْ شُهُودًا إِذْ تُفِيضُونَ فِيهِ

*“Što god ti činio i što god iz Kur'ana kazivao i kakav god vi posao radili, Mi nad vama bdijemo dok god se time zimate.”*¹⁰

Obaveza svakog roba je da se čuva i pazi svog Gospodara, da Ga se stidi znajući kako ga On gleda

9 Gafir, 19. (Mu'min)

10 Junus, 61.

dok griješi, kao i to da gubi vid pokornosti kojeg mu je On naredio.

Zatim je Allah, subhanehu ve te'ala, naredio:

وَقُلْ لِلْمُؤْمِنَاتِ يَغْضُضْنَ مِنْ أَبْصَارِهِنَّ وَيَحْفَظْنَ فُرُوجَهُنَّ

*“A reci vjericama neka obore poglede svoje i neka čuvaju stidna mjesta svoja.”*¹¹

Dakle, vjericama je naredio da obaraju svoje poglede i da čuvaju svoja stidna mjesta isto onako kao što je to naredio vjericima, kako bi ih zaštitio od sijanja smutnje, naređujući im uzroke čednosti i spasa.

Zatim je Allah, subhanehu ve te'ala, rekao:

وَلَا يُبْدِينَ زِينَتَهُنَّ إِلَّا مَا ظَهَرَ مِنْهَا

*“...i neka ne pokazuju ukrase svoje osim onoga što je ionako spoljašnje.”*¹²

Ibn-Mes'ud, radijallahu 'anhu, kaže: “Osim onoga što je ionako spoljašnje” – da se to odnosi na odjeću koja u sebi nema ukrasa niti razotkriva njeno tijelo.” Što se tiče predaje u kojoj stoji da je Abdullah b. Abbas, radijallahu 'anhu; “Osim onoga što je

11 En-Nur, 31.

12 En-Nur, 31.

ionako spoljašnje”, protumačio da se odnosi na šake i lice može se prenijeti na stanje žena u periodu prije objave ajeta o hidžabu. Ali nakon toga je Allah stavio u obavezu ženama da pokriju svoja tijela u cijelosti, onako kao što je prethodilo u časnim ajetima iz sure El-Ahzab kao i u drugim ajetima. Da je Ibn-Abbas, radijallahu ‘anhu, mislio ovo, ukazuje predaja od Alije b. Ebu-Talhe, radijallahu ‘anhu, u kojoj kaže: “Allah je naredio ženama vjernika kada izlaze iz kuće radi potrebe da pokriju svoja lica džilbabima, odtjemena, iznad glave, sa pravom da ostave otvor za jedno oko.”

Šejhul-islam Ibn-Tejmije, rahimehullah, skrenuo je pažnju na ovo kao i drugi učenjaci i nema sumnje da je ovo najispravniji stav.

Također, općepoznate su štetne posljedice otkrivanja lica i šaka u širenju nereda i smutnje.

Prethodile su riječi Uzvišenog:

وَإِذَا سَأَلْتُمُوهُنَّ مَتَاعًا فَاسْأَلُوهُنَّ مِنْ وَرَاءِ حِجَابٍ

“A ako od njih nešto tražite, tražite to od njih iza zastora.”¹³

13 El-Ahzab, 53.

U ovom ajetu nije se ni u čemu napravila iznimka čime se ukazuje da je ovaj ajet konačni propis te spada u obavezu da se primijeni kada je riječ o hidžabu i da se na njemu moraju graditi osnova i temelji institucije hidžaba. Ovaj propis je općenit kada je riječ o Vjerovjesnikovim, sallallahu ‘alejhi ve sellem, ženama i drugim ženama vjernika. U suri En-Nur je prethodio govor koji potvrđuje ovu teoriju, a to je govor Uzvišenog Allaha o starim ženama i usjedjelicama te zabrani odlaganja ogrtača osim pod dva uslova:

- da one nemaju potrebu ni želju za brakom,
- nerazgoličavanje do te mjere da se pokažu ukrasi.

Već smo govorili i rekli da je spomenuti ajet jasan dokaz i neprikosnoven argument o zabrani razgoličavanja i otkrivanja žena i njihovih ukrasa.

Svemu ovome je moguće dodati predaju od Aiše, radijallahu ‘anha, i priču o potvori. Ona je prekrila svoje lice kada je čula glas Safvana b. Muatila es-Selemija, pa je rekla da ju je on poznavao prije propisivanja hidžaba. Ovo je dokaz da se žene nisu mogle prepoznati radi toga što su prekrivale svoja lica, a nije tajna niti je skriveno stanje u koje su zapale današnje žene od dopuštanja razgoličavanja i davanja sebi oduška u pokazivanju svojih ljepota

i ukrasa. Ostalo je u obavezi da se spriječe moguće negativne posljedice kao i metodi koji će dovesti do nereda i pojave razvrata.

Od najvećih štetnih razloga je osamljivanje muškaraca sa ženama te razgoličavanje žena pred muškarcima koji im nisu rod.

Od Vjerovjesnika, sallallahu 'alejhi ve sellem, prenosi se vjerodostojna predaja u kojoj je rekao: *“Žena ne smije putovati osim sa srodnikom (mahremom), niti se smije osamiti muškarac sa ženom osim ako sa njom nije neko od njenih srodnika.”*

Također u drugom hadisu Poslanik, sallallahu 'alejhi ve sellem, kaže: *“Neće se osamiti muškarac sa ženom a da s njima šejtan neće biti treći.”* Na drugom mjestu kaže: *“Neka ne spava muškarac tokom noći kod žene osim ako nije njen muž ili srodnik.”*¹⁴

Zato muslimani, bojte se Allaha i spriječite vaše žene i zabranite im ono što im je Allah zabranio od razgoličavanja i otkrivanja ljepote i ukrasa, jer se tako one poistovjećuju sa Allahovim neprijateljima od nevjernika i svih onih koji su nalik njima. Znajte da onaj ko im to prešuti sudjeluje sa njima u grijehu. Time se predočava Allahovoj srdžbi i kazni. Molim Allaha, subhanehu ve te'all, da nas sačuva od ovog zla!

14 Hadis bilježi Muslim u svom Sahihu.

Od najvećih obaveza je upozoravanje muškaraca da se ne osamljuju i ne ulaze kod žena te da ne putuju sa njima bez njihovih mahrema, zbog toga što su to putevi ili metode koji vode u smutnju i nered. U vjerodostojnoj predaji od Poslanika, sallallahu 'alejhi ve sellem, prenosi se da je rekao: *“Poslije sebe nisam ostavio veću smutnju za muškarce od žena.”* Također, Allahov Poslanik, sallallahu 'alejhi ve sellem, kaže: *“Dunjaluk je lijep ali prolazan. Allah vas je postavio na njemu kao nasljednike jedne drugima da vidi šta ćete raditi. Čuvajte se dunjaluka! Čuvajte se žena! Prva smutnja Izraelaca je bila u ženama.”*

Allahov Poslanik, sallallahu 'alejhi ve sellem, u drugom hadisu kaže: *“Malo je onih koje će biti pokrivene na ovom svijetu a otkrivene na onom svijetu.”* Poslanik, sallallahu 'alejhi ve sellem, također kaže: *“Dvije vrste ljudi sam vidio u Vatri a nisu mi poznate: žene pokrivene razgoličene, naginju se i uljepšavaju govor. Glave su im poput nagnetih grba na devinim leđima. U Džennet neće ući niti će osjetiti njegov miris, kao i ljudi u čijim su rukama kandžije poput kraljkih repova kojima udaraju ljude.”* Sahihu-Muslim.

Ovo su jasni dokazi i upozorenja koja govore o razgoličavanju. Hadisi ukazuju na opasnost odijevanja providne i kratke odjeće, kao i uvrtanja tijelima rušeći time ugled čednosti i istinoljubivosti, navodeći ljude svojim uljepšanim govorom na zlo i razvrat. Zatim, upozoravaju na nepravdu koja se ljudima nanosi prelazeći granice u odnosu prema njima. Poslanik, sallallahu 'alejhi ve sellem, na ove stvari zaprijetio je zabranom ulaska u Džennet. Molimo Allaha, subhanehu ve te'ala, da nas zaštiti od ovakvih postupaka!

Također, od velikih i ogromnih vidova nereda je poistovjećivanje muslimanki sa nevjericama i grješnicama. Sve to je u smislu razgoličavanja i odijevanja kratke odjeće, kao i toga što pokazuju svoje ukrase, ljepotu i kosu praveći oblike frizura upravo onako kako to čine nevjernice i grijешnice. Ili, povrh svega toga, stavljaju nastavke na kosu ili koriste perike samo da bi se još više uljepšale. Allahov Poslanik, sallallahu 'alejhi ve sellem, jasno je rekao: **“Ko se poistovijeti sa jednim narodom on mu pripada.”** Očito je da su štetne posljedice razgoličavanja i odijevanja providne i kratke odjeće nesagledive.

Upravo zato što je žena u ovakvom liku polugola, čime širi smutnju, slabi svoje vjerovanje i umrtvljuje osjećaj stida. Obaveza je upozoravati na ove stvari maksimalnim naporima. Ženama se ovo mora zabranjivati i biti strog po tom pitanju, jer se život na ovakav način završava nimalo poželjno i sa velikom štetom. Nije dozvoljeno popuštati u ovom segmentu djevojčicama, jer se njihovo odgajanje sa hidžabom reflektuje kroz život navikavanjem na taj tip odjeće, kao i da će im sve mimo toga od odjeće biti odbojno i mrsko, dok će u suprotnom zapasti u zabranjeno, nered i zastrašujuću smutnju u šta su zapale mnoge odrasle žene.

Allaha se bojte, o Allahovi robovi! Čuvajte se onoga što vam je Allah zabranio! Surađujte u dobročinstvu i bogobožnosti i podstičite jedni druge na istinu i strpljenje! Znajte da će vas Allah pitati za ove propise i da će vas nagraditi za vaša dobra djela. Allah, subhanehu ve te'ala, je sa strpljivima, bogobožnima i sa dobročiniteljima. Budite strpljivi, trpite i Allaha se bojte! Činite dobra djela, jer Allah voli one koji dobra djela čine!

Nema sumnje da je najveća obaveza, mimo svih drugih, pala na vladare, sudije, učene, predstavnike naroda, članove odbora i organizacija da naređuju hidžab i da sprečavaju širenje smutnje. Oni sebi

ne smiju dopustiti da prešute ovakve stvari ako se pojave u društvu. Istovremeno, treba imati na umu da sprečavanje zla nije samo njihova obaveza nego se ona odnosi na svakog muslimana, a posebno istaknute i velikane među njima.

Posebna obaveza je nad starateljima i onima koji vode brigu o ženama da spriječe ovo zlo, da pokažu svoju žestinu u tome, kao i da izvrše pritisak na onoga ko mu se odupire, jer možda će to biti uzroci da Allah ukloni od nas nedaću koja nas je pogodila i da nas i naše žene uputi na Pravi put.

Vjerodostojna je predaja od Vjerovjesnika, sallallahu 'alejhi ve sellem, u kojoj kaže: *“Nema nijednog vjerovjesnika kojeg je Allah poslao prije mene a da u svom narodu nije imao pomagače i prijatelje koji su slijedili njegov sunnet i izvršavali njegove naredbe. Nakon njih su dolazile kasnije generacije koje su govorile ono što nisu radile. Radili su ono što im nije bilo naređeno. Onaj ko se protiv njih bude borio svojom rukom on je vjernik. Onaj ko se protiv njih bude borio svojim jezikom on je vjernik. Onaj ko se bude protiv njih borio svojim srcem je vjernik. Iza toga nema imana ni koliko je zrno gorušice.”*

Molim Allaha, subhanehu ve te'ala, da pomogne Svoju vjeru, da istakne Svoju riječ, da popravi stanje naših vođa, da ih upotrijebi u iskorjenjivanju nereda, da njima pomogne istinu, da im podari dobre podanike, da podari nama, njima i vama i svim muslimanima ono u čemu je korist za robove i države, na ovom i na onom svijetu. On je Moćan da učini sve što On hoće.

On može da se odazove na dovu. Allah nam je dovoljan i On je najbolji zaštitnik. Nema snage niti moći osim kod Allaha, Veličanstvenog i Uzvišenog. Neka je selam i spas na Njegovog roba i poslanika Muhammeda, sallallahu 'alejhi ve sellem, njegovu porodicu i ashabe i sve one koji ih budu slijedili u dobročinstvu sve do Sudnjeg dana.

Pitanje >>

Da li mi je dozvoljeno da, kada putujemo izvan domovine, otkrijem lice i skinem hidžab zato što smo daleko od svog mjesta tako da nas niko ne poznaje? Moja mama čini nemoguće i podstiče moga oca da me prisili da otkrijem lice jer oni navodno smatraju da kada pokrijem lice privlačim pažnju drugih?

Odgovor >>

Nije dozvoljeno tebi niti bilo kojoj drugoj ženi muslimanki da se otkriva u nevjerničkim državama isto kao što to nije dozvoljeno ni u muslimanskim državama, jer se hidžabom žena mora zakloniti od muškaraca, bez razlike bili oni muslimani ili nevjernici. Čak štaviše, obaveza korištenja hidžaba pred nevjernicima je veća jer oni nemaju imana koji će ih spriječavati da počine ono što je Allah zabranio. Tebi a niti bilo kome drugom, nije dozvoljeno pokoravati se roditeljima ili nekome u izvršavanju onoga što su Allah ili Njegov Poslanik, sallallahu 'aleji ve sellem, zabranili. Allah, subhanehu ve te'ala, u Svojoj jasnoj Knjizi, u suri El-Ahzab, kaže:

وَإِذَا سَأَلْتُمُوهُنَّ مَتَاعًا فَاسْأَلُوهُنَّ مِنْ وَرَاءِ حِجَابٍ ذَلِكُمْ
أَطْهَرُ لِقُلُوبِكُمْ وَقُلُوبِهِنَّ

“A ako od njih nešto tražite, tražite to od njih iza zastora. To je čistije i za vaša i za njihova srca.”¹⁵

Allah, subhanehu ve te'ala, ovim ajetom pojasnio je da je pokrivanje žena sa hidžabom pred muškarcima, koji nisu u rodu sa njima, čistije za njihova srca. Allah, subhanehu ve te'ala, u suri En-Nur kaže:

وَقُلْ لِلْمُؤْمِنَاتِ يَغْضُضْنَ مِنْ أَبْصَارِهِنَّ وَيَحْفَظْنَ فُرُوجَهُنَّ

“A reci vjericama neka obore poglede svoje i neka čuvaju stidna mjesta svoja.”¹⁶

Uzvišeni kaže:

وَلَا يُبْدِينَ زِينَتَهُنَّ إِلَّا لِبُعُولَتِهِنَّ أَوْ آبَائِهِنَّ أَوْ آبَاءِ بُعُولَتِهِنَّ

“...to mogu samo muževima svojim, ili očevima svojim, ili očevima muževa svojih...”¹⁷

15 El-Ahzab, 53.

16 En-Nur, 31.

17 En-Nur, 31.

Pitanje >>

Kakav je propis iznajmljivanja vozača i sluga? Da li se oni smatraju strancima u porodici? Moja majka zahtijeva da se ja pokazujem pred slugama te da koristim ešarpu. Da li je ovo dozvoljeno u našoj monoteističkoj vjeri koja nam naređuje da ne smijemo biti nepokorni Allahu, subhanehu ve te'ala?

Odgovor >>

Propis gledanja vozača i slugu je kao i propis svih drugih muškaraca i obaveza je da se žena pokrije i skloni ispred njih ako joj oni nisu mahrem. Nije dozvoljeno putovati ili se osamljivati s njima, jer Allahov Poslanik, sallallahu 'alejhi ve sellem, kaže: *“Neće se osamiti muškarac sa ženom a da s njima šejtan neće biti treći”*, kao i svi opći dokazi koji ukazuju na obavezu hidžaba i zabranu razgoličavanja i otkrivanja pred onima koji ženi nisu rod. Nije dozvoljeno pokoravati se u grijehu majci niti bilo kome drugom.

Pitanje >>

Kakav je propis za onoga ko se ismijava onoj osobi koja nosi šerijatski hidžab i pokriva svoje lice i šake?

Odgovor >>

Onaj ko se ismijava muslimanu ili muslimanki radi toga što se pridržavaju svoje vjere je nevjernik, bez razlike da li se to odnosilo na hidžab muslimanke koja to čini na šerijatski način ili neki drugi. Abdullah b. Omer, radijallahu 'anhum, kaže: “Neki čovjek u pohodu na Tebuk je rekao: ‘Nikad nisam vidio ljude poput ovih naših prijatelja. Žude za onim čemu žude njihovi trbusi, jezici su im najveći lažovi, a najstrašiviji su kod susreta sa neprijateljem.’ Neki drugi čovjek je rekao: ‘Lažeš. Ti si munafik. Ovo ću reći Allahovom Poslaniku, sallallahu 'alejhi ve sellem.’ Kada je to doprlo do Allahovog Poslanika, sallallahu 'alejhi ve sellem, došla je objava. Abdullah b. Omer kaže: “Vidio sam ga kako se okačio o uzde jahalice Allahovog Poslanika, sallallahu 'alejhi ve sellem, i kako se spotiče od kamenje govoreći: ‘Allahov Poslaniče, šalili smo se i igrali.’ Allahov Poslanik, sallallahu 'alejhi ve sellem, mu je govorio:

“Zar se niste Allahu i riječima Njegovim i Poslaniku Njegovom rugali?’ Ne ispričavajte se! Jasno je da ste nevjernici, a tvrdili ste da ste vjernici. Ako nekima od vas i oprostimo, druge ćemo kazniti zato što su krivci.”¹⁸

Njegovo ismijavanje vjericima ubrojao je u ismijavanje sa Allahom, Njegovim ajetima i Poslanikom, sallallahu ‘alejhi ve sellem. Uspjeh je samo kod Allaha, subhanehu ve te’ala. Neka su salavat i selam na našeg vjerovjesnika Muhammeda, sallallahu ‘alejhi ve sellem, njegovu časnu porodicu i ashabe.

18 Et-Tevbe, 65-66.

EPILOG

Rekoše da je knjiga najbolji čovjekov prijatelj. Ali, možda je bolje reći: Knjiga koja će ti koristiti je najbolji prijatelj. Naime ova knjiga je plod vaših ruku. Prva koju smo izdali iz ove edicije i koju su podržali braća i sestre iz Bosne i dijaspora vakufskim projektom. Ovo je plod imana tih ljudi koji nisu žalili izdvojiti jedan lijep dio svojih imetaka znajući da će to koristiti masama današnjih a i dolazećih generacija. Jer kada je nešto iz srca, srcu ide. A primjer lijepe riječi je kao primjer lijepoga drveta, korijen mu je jak a stablo mu stabilno prema nebu, visoko uzdignuto. Primjer onih koji udjeljuju na Allahovom putu je kao primjer zrna pšenice iz kojeg iznikne sedam klasova a iz svakog klasa, stotinu zrna. Ovako je to opisao Uzvišeni, a ovi ljudi su te ajete shvatili na najbolji način. I kada se ovi plodovi počnu ubirati onda će svi osjetiti korist toga. Iz tog razloga smo odabrali da ova knjiga bude upućena osobi koja je najbitnija za društvo, a to je žena. Ovim se pokazuje da Islam daje najveću pažnju moralu nakon čovjekovog vjerovanja. Ali, ako ne budemo gradili i čuvali ono što, imamo nećemo ni uspjjeti održati

moralni status našeg naroda. Molim Allaha, subhanehu ve te'ala, da ova knjiga naiđe na prihvatanje kod vas i da uputite dove za sve one koji su utrošili trud, imetak i vrijeme da ona dođe do vas. Posljednja naša dova je hvala Allahu Gospodaru svjetova.

Harmin Suljić prof.